



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. CXXXIX. Domine probasti me, & cognouisti me, &c. Carm. gen. 3.

[urn:nbn:de:hbz:466:1-69145](#)

Despicis, elatósq; premis, discrimina mille
Passim mihi circumstrepant,
Te duce tutus ero.

Tu ualida obfistes dextra furialibus ausis
Qui me lacessunt hostium:
Incolumiq; dabis.

Quod superest, siquid superest, bonitate peren
Quo cœperas gradu tuæ
Facta tuere manus.

PSAL. CXXXIX. Domine probasti
me, et cognovisti me, etc. Carm. gen. 3.

Momenta uitæ nulla te latent meæ,
Rector benigne cælitum.

Seu sedeo, siue surgo, seu quid cogito,
Tu cuncta prælens aspicis.

Lux siue curam, seu quietem nox tulit,
Curam & quietem temperas.

Nec te minutæ uoculæ fugit sonus,
Quam lingua temere fuderit.

Et os & humeros, totiusq; corporis
Sic arte mira fabricam

Finxisti, acumen nullum ut humani ingeni
Ratiōne possit assequi.

Quónam ergo uultum fugero tuum? quibus
Clausus latebris occular?

Petáinne cælum: præsto es h̄ic. ad inferos
Demergar? illinc non abes.

Aurora curru me uolucri ut deferat
Ad Occidentis limitem:

H̄ic

Hic deprehendes me, nec hic tutus tuæ
Vitabo fulmen dexteræ.
Incauta mens si forte secum cogitet,
 Nox me tenebris occulet,
Obscura tenebris nostra nox luce est tibi
 Meridiana clarior:
Tibi nec tenebræ sunt tenebræ, nec tuæ
 Nox ulla prouidentiæ est.
Arcana mentis tu tenes, qui pectoris
 Arcana fabricatus es.
Qui me parentis uentre conditum, cutis
 Tenello amictu inuolueras.
Compago mira corporis nostri, tuæ
 Miraculum est solertiæ.
Stupenda cuius opera nec nostra assequi
 Sed nec negare mens potest.
Nam nulla nostri tam minuta est corporis
 Pars, ut tuam scientiam
Fugiat, nec ulla claustra pectoris latent
 Te conditorem pectoris.
Masæ recentis rudia adhuc primordia,
 Rudisq; masæ semina,
Ceu scripta haberet, corporisq; lineas,
 Motum statumq; noueras.
Et membra nondum quin forét, quid adderent
 Dies sciebas singuli.
Hec mente tacita cogitanti mihi, stupor
 Torpórq; sensus alligat.
Animus labascit quum tuæ miracula
 Perpendo tecum dexteræ.
Citius in ibo numerum, arenæ in littore

R iiiij

Quot uoluat æstus corpora:
 Quamuis ocellis per uigil nunquam meis
 Dulcem soporem indulsero.
 O quando perdes impios rerum parens?
 O quando sanguinarios
 A me repelles qui scelesti nomini
 Et numini illudunt tuo?
 Te quisquis odit, nunquid odi? non tuos
 Hostes habebam pro hostibus?
 Odi profectò: nec tuis ex hostibus
 Amicus est quisquam mihi.
 Reuolue mentis intimos sinus Deus,
 Latebrasq; nostri pectoris,
 Nisi h̄ic amorem uideris tui, nisi
 Animum obsequi non impigrum.
 Si par scelestis scelere sum, uitæ parem
 Da cum scelestis exitum.

PSAL. CXL. Eripe me Domine ab homi-
 ne malo, &c. Carm. gen. 6.

A Eterne rerum conditor, à malæ
 Linguae ueneno me bonus assere,
 Meamq; periuri tuere
 Hostis ab insidijs salutem,
 Qui fraude tecta bella nefaria
 Ciet: nec atris mitior anguisbus,
 Vibratq; linguam uirulentam, &
 Ore uomit rabido uenenum.
 Auerte fraudem, & me uiolentia
 Hostis scelesti subtrahe, qui mea

Vesti-